

Cyngor y Gweithlu Addysg

Canllaw Ymddygiad ac Ymarfer Da i Arweinwyr

Medi 2022



Mae'r ddogfen hon hefyd ar gael yn Saesneg.
This document is also available in English.

Cynnwys

1. Cyflwyniad	3
2. Y Cod.....	3
3. Codi eich ymwybyddiaeth.....	3
4. Torri'r Cod	4
5. Sut gallwn ni eich cefnogi chi ymhellach	6

1. Cyflwyniad

Mae gan arweinwyr mewn addysg amrywiaeth eang o gyfrifoldebau ac atebolrwydd, ac maent yn chwarae rhan hanfodol wrth sicrhau bod dysgwyr a phobl ifanc yn cael eu haddysgu, eu meithrin a'u hannog. Rydym yn gwybod bod ein harweinwyr yng Nghymru yn weithwyr proffesiynol hynod ymroddedig.

Mae'r [Cod Ymddygiad ac Ymarfer Proffesiynol](#) (y Cod) yn amlinellu'r egwyddorion allweddol y mae disgwyl i gofrestrai eu dilyn yn ei ymddygiad a'i ymarfer o ddydd i ddydd. I ategu'r Cod, mae Cyngor y Gweithlu Addysg (CGA) wedi cyhoeddi nifer o ganllawiau gyda'r nod o gynorthwyo pob cofrestrai, gan gynnwys arweinwyr, i ddeall a chymhwyso'r Cod. Gall y cod a'r canllawiau gael eu lawrlwytho o [wefan CGA](#).

Fodd bynnag, datblygwyd y canllaw hwn yn benodol i arweinwyr addysg a bydd yn ddefnyddiol i bobl mewn rolau arwain uwch a chanol.

2. Y Cod

Fel Arweinydd, byddwch yn gyfarwydd â phob rhan o'r Cod, gan ei ddefnyddio'n bwynt cyfeirio pwysig. Bydd dysgwyr, pobl ifanc, cydweithwyr a'r cyhoedd yn eich ystyried yn esiampl, rhywun y mae disgwyl iddo gynnal y Cod a'i 5 egwyddor allweddol:

1. **Cyfrifoldeb Personol a Phroffesiynol**
2. **Unplygrwydd Proffesiynol**
3. **Cydweithio**
4. **Gwybodaeth a Dealltwriaeth Broffesiynol**
5. **Dysgu Proffesiynol**

Fodd bynnag, a chithau'n weithiwr proffesiynol, gallai ymddygiad amhriodol yn eich bywyd personol neu broffesiynol effeithio yn y pen draw ar eich swydd fel arweinydd, eich cofrestrriad gyda CGA ac, o bosibl, eich cymhwysedd i barhau i ymarfer.

3. Codi eich ymybyddiaeth

Yn eich rôl fel arweinydd, byddwch yn defnyddio amrywiaeth o sgiliau ac adnoddau yn ddyddiol a byddwch yn hunanymwybodol tu hwnt er mwyn bod yn y sefyllfa orau posibl i gyflawni eich cyfrifoldebau.

Serch hynny, ar adegau, ni waeth pa mor fedrus neu hunanymwybodol y mae arweinydd, gall wneud camgymeriad, gamfarnu neu wneud penderfyniad anghywir sydd, yn y pen draw, yn arwain at fwrw amheuaeth am ei ymddygiad.

Trwy ddefnyddio ein profiad o'r mathau o ymddygiad a welwyd yn ein gwaith achos priodoldeb i ymarfer, rydym wedi amlygu rhai o'r themâu cyffredin sydd wedi arwain at gyfeirio arweinwyr addysg at CGA.

Gall yr enghreifftiau fod yn gysylltiedig â'i gilydd a gall ymddygiad gwmpasu nifer o deipiau.

Math o gamymddygiad a charfer	Math o ymddygiad (nid yw'n rhestr hollgynhwysfawr)
Camreoli ariannol	<ul style="list-style-type: none"> • Torri gweithdrefnau/rheoliadau ariannol sy'n arwain at gamreoli • Defnyddio cyllid, neu eiddo, at fudd personol neu broffesiynol • Peidio ag ymddwyn gydag uniondeb a bod yn atebol
Llywodraethu ac atebolrwydd	<ul style="list-style-type: none"> • Toriadau'n gysylltiedig â llywodraethu ac atebolrwydd • Anwybyddu polisïau a gweithdrefnau • Peidio â sefydlu a chynnal perthynas waith broffesiynol gyda'r corff llywodraethu neu'r gyfarwyddiaeth berthnasol • Bod yn anonest gyda'r corff llywodraethu neu'r gyfarwyddiaeth, gan beidio â rhoi gwybod lawn iddynt • Torri cyfreithiau statudol, fel cydraddoldeb a diogelu data
Torri ffiniau proffesiynol	<ul style="list-style-type: none"> • Camddefnyddio grym a'r swydd • Bwlio, dychryn ac aflonyddu ar staff • Delio â dysgwyr, pobl ifanc a/neu staff yn anghyfartal • Peidio â chynnal ffiniau proffesiynol gyda chydweithiwr, dysgwr neu berson ifanc • Peidio â defnyddio'r cyfryngau cymdeithasol yn gywir
Peryglu iechyd, diogelwch a lles dysgwyr a/neu staff (gan gynnwys diogelu)	<ul style="list-style-type: none"> • Peidio â chynnal camau rhesymol i sicrhau bod iechyd a diogelwch dysgwyr, pobl ifanc a/neu staff yn cael eu cynnal yn ddigonol • Peidio â chynnal, na chofnodi, asesiadau risg • Peidio â sicrhau bod gweithdrefnau priodol yn cael eu dilyn ar deithiau allanol • Peidio â chofnodi digwyddiadau, rhoi gwybod amdanynt na chadw cofnodion cywir ohonynt
Anonestrwydd	<ul style="list-style-type: none"> • Ffugio dogfennau • Camarfer mewn asesiadau a/neu arholiadau • Darparu gwybodaeth gelwyddog naill ai ar lafar a/neu yn ysgrifenedig • Dwyn cyllid, camreoli ariannol
Troseddau	<ul style="list-style-type: none"> • Troseddau sy'n tanseilio enw da proffesiynol

4. Torri'r Cod

Gan gadw'r uchod mewn cof, mae'r isod yn adlewyrchu achosion pan fu cofrestreion mewn swyddi arwain yn destun achosion priodoldeb i ymarfer CGA.

Rydym yn cydnabod bod mwyafrif helaeth yr arweinwyr yn ymddwyn yn gwbl broffesiynol, fodd bynnag, ym mhob un o'r achosion hyn, torrwyd y Cod Ymddygiad ac Ymarfer Proffesiynol yn glir. Cafodd cofrestreion amrywiaeth o gosbau disgyblu gan gynnwys, mewn ambell achos, cael eu hatal rhag gweithio yn y gweithlu addysg yn y dyfodol.

Roedd cofrestrai mewn swydd arwain:

- wedi methu cofnodi arian a gafwyd gan ddysgwyr, cadwodd yr arian gartref, methodd ei roi yn y banc a diwygiodd y dyddiadau gwreiddiol ar y sieciau a gafodd
- wedi ffugio'r cydlofnod ar sieciau'r ysgol cyn eu cyfenwid am arian at ddefnydd personol
- wedi anwybyddu camarfer yn gysylltiedig ag asesiadau, gan fod hynny'n ffordd o weithio a 'dderbyniwyd' yn y sefydliad

- llofnodi ffurflenni datganiad yr Arholiadau Llythrennedd a Rhifedd Cenedlaethol i gadarnhau bod holl ganllawiau'r corff arholi wedi cael eu dilyn yn briodol, gan wybod nad oedd hynny'n wir
- yn gysylltiedig â ffugio llofnodion ar ffurflenni asesu ac, o ganlyniad, collodd y contractwr gyllid gan Lywodraeth Cymru
- wedi manteisio ar ei rôl trwy fwlio ac erlid aelodau staff
- wedi gwahaniaethu'n agored yn erbyn aelodau staff oherwydd eu rhywedd a'u tras ethnig
- wedi ymddwyn yn amhriodol gyda dysgwyr ar safle'r ysgol ar ôl oriau ysgol
- wedi ymddwyn yn amhriodol gyda chydweithwyr ar safle gwaith, a gafodd ei recordio'n gudd a'i rannu ar y cyfryngau cymdeithasol;
- wedi peri risg i ddysgwyr trwy anwybyddu rheoliadau iechyd a diogelwch ac osgoi cael cadarnhad gan y corff llywodraethu i ddatblygu'r ardal chwarae
- wedi methu, ar sawl achlysur, dilyn gweithdrefnau diogelu plant a gyfrannodd at niwed difrifol i'r bobl ifanc dan sylw
- wedi torri rheolau data'n ddifrifol trwy rannu gwybodaeth gyfrinachol am ddysgwyr gyda phartïon allanol
- wedi methu dilyn gweithdrefnau ar gyfer ymweliadau a theithiau addysgol, gan beri risg i ddysgwyr a phobl ifanc
- yn absennol yn gyson, heb awdurdod, o'i ddyletswyddau, yn groes i'r polisi absenoldeb
- wedi methu dilyn y polisi a'r gweithdrefnau recriwtio trwy benodi aelod o'i deulu heb i'r swydd gael ei hysbysebu
- wedi'i gael yn euog o droseddau rhyw yn erbyn aelod staff yn dilyn cyfnod o aflonyddu cyson yn y gweithle
- wedi'i gael yn euog o dyfu a chyflenwi cyffuriau
- wedi'i gael yn euog o ddwyn, ar ôl gamblo ar-lein gan ddefnyddio arian yr ysgol

Dyma ein cyngor:

Gofynnwch i chi'ch hun: Os byddwch yn mynd ati i weithredu mewn ffordd benodol, naill ai yn eich bywyd preifat neu broffesiynol, a fydd eich ymddygiad yn cyd-fynd â disgwyliadau Cod CGA, neu'n groes i'r Cod?

Os aiff pethau o le: Gallai peidio â gweithredu olygu'ch bod chi'n torri'r Cod. Peidiwch â'i anwybyddu a **gweithredwch yn gynnar.**

Byddwch yn onest

Llwybr cyflymach at ganlyniad cadarnhaol yw bod yn onest am yr hyn sydd wedi digwydd. Cymerwch gyfrifoldeb lle y mae angen i chi wneud. Osgowch roi'r bai ar eraill, byddwch yn atebol.

Gofynnwch am gyngor neu help proffesiynol

Efallai na fyddwch yn gallu delio â hyn ar eich pen eich hun. Gofynnwch am gyngor a chymorth (e.e. undeb llafur, rhwydwaith proffesiynol, mentor, uwch arweinydd arall).

Gallai hynny eich helpu i benderfynu ar y dull gorau i'w ddilyn yn broffesiynol

Myfyriwch ar unrhyw gyngor a roddwyd i chi ac ystyriwch beth yw'r ffordd orau o symud ymlaen i ddatrys y sefyllfa

Atgoffwch eich hun eto am y disgwyliadau sydd arnoch i gynnal y Cod, yn enwedig o gofio eich rôl gyfrifol.

Ystyriwch fod hyn yn gyfle i ddiogelu neu adfer eich unplygrwydd proffesiynol.

Gallai cyfeirio'ch hun at CGA fod yn briodol.

Cadwch at ddatrysiad, dysgwch ohono a symudwch ymlaen.

5. Sut gallwn ni eich cefnogi chi ymhellach

- Mae CGA yn cynnig cyflwyniadau sy'n canolbwyntio ar briodoldeb i ymarfer. Os hoffech chi neu eich cyflogwr drefnu cyflwyniad yn y gweithle, cysylltwch â gwymbodaeth@cga.cymru
- Mae Cod Ymddygiad ac Ymarfer Proffesiynol CGA i Gofrestreion gyda Chyngor y Gweithlu Addysg, a gwybodaeth am waith priodoldeb i ymarfer CGA, ar gael ar ei wefan.
- Dylai unrhyw ymholiadau gael eu cyfeirio at y tîm priodoldeb i ymarfer ar priodoldebiymarfer@cga.cymru.

